

Бойликларини маккаликларга ташлаб келган Сұхайб



19:30 / 24.05.2021 2442

Аллоҳ таоло Қуръони Каримда шундай деб марҳамат қилған:

وَبِحَنْ قَصَقْ نَمْ مُهْنَمَفْ لَيَلَعْ لَلْ اُودَاعْ اَمْ اُوقَدَصْ لَاجَرَنْيَمْ فَلَانْمَ
أَلِذْبَتْ اُولَدَبْ اَمْ وَرَطَتَنْيَ نَمْ مُهْنَمَ

«Мұмінлар ичіда Аллоҳға берған аҳдларига содиқ қолған эранлар бор. Бас, уларнинг аҳдига вафо қилғанлари ҳам, мунтазир бўлиб турғанлари ҳам бор. Улар асло алмаштирмадилар» (Аҳзоб сураси, 23-оят).

Содиқ сахобаи киромлар уруш пайтларида орқага чекинмасликка, майдондан қочиб кетмасликка, балки ўз жойида, душман қаршисида событ туришга ваъда берған эдилар. Улар ана шу ваъдаларига содиқ қолдилар. Шунингдек, улардан кейин келған тобеъинлар, табаъа тобеъинлар, солих мұмінлар Ислом учун жонларини бериш, бу йўлда молу жонларини фидо қилиш борасидаги аҳдларига содиқ қолиб, ўша аҳдларига вафо қилдилар.

Аҳдига содик қолган инсонлардан бири Сұхайб Румий розияллоҳу анхудир.

Сайд ибн Мусайиб раҳимаҳуллоҳдан ривоят қилинади: «Сұхайб Набий соллаллоҳу алайҳи васалламнинг олдилариға ҳижрат қилиб бормоқчи бўлганларида, Қурайш қабиласидан бир гурӯҳ кишилар у кишининг йўлини тўсиб, Мадинаға ҳижрат қилишга қўймадилар. Шунда Сұхайб розияллоҳу анҳу уловларидан тушиб, ўқдонларидаги ўқни олиб, «Эй қурайш жамоаси, орангизда энг моҳир мерғанлардан бири эканимни биласизлар-а?! Аллоҳга қасамки, ўқдонимдаги барча ўқларни отиб бўлмагунимча бирортангиз менга яқинлаша олмайсизлар. Кейин қиличим билан, қўлимда қанчаси қолса, шунчаси билан чопаман. Сўнгра нимани истасангиз, қилаверасиз. Молим ва либосим Макканинг қаерида турганини айтсан, кетишимга тўсқинлик қилмайсизларми?» дедилар. Улар «Ҳа» дейишди. Кейин Сұхайб розияллоҳу анҳу Мадинаға, Расууллоҳ соллаллоҳу алайҳи васалламнинг хузурларига борганларида, у зот алайҳиссалом у кишига «Савдо фойда келтирди, эй Абу Яҳё! Савдо фойда келтирди, эй Абу Яҳё!» дедилар. Бироздан сўнг Аллоҳ таоло: **«Ва одамлардан Аллоҳнинг розилигини тилаб жонини сотадиганлари бор»** оятини нозил қилди.

Бошқа ривоятда «Савдо фойда келтирди, эй Сұхайб! Савдо фойда келтирди, эй Сұхайб!» деганлар.

Сұхайб розияллоҳу анҳу Маккада қилич ясар, бу касб орқали анчагина молу давлат тўплагандилар. Мадинаға ҳижрат қилиб кетаётганларида ана шу касбларини ҳам, ундан топган барча бойликларини ҳам маккаликларга ташлаб кетган эдилар.

Аллоҳ ва Расулининг розилиги, муҳаббатини деб, молу давлатдан воз кечганлари оятда мақталиб, Расууллоҳ соллаллоҳу алайҳи васаллам томонларидан «Савдо фойда келтирди» дея эътироф этилмоқда.

Пайғамбаримиз соллаллоҳу алайҳи васалламга Сұхайб розияллоҳу анхунинг қилган ишлари у киши Мадинаға етиб бормасларидан олдин Жаброил алайҳиссалом орқали етказилган эди.

Аллоҳ таоло барча саҳобалардан, шу жумладан, Сұхайб Румийдан рози бўлсин!

Интернет маълумотлари асосида Нозимжон Ҳошимжон тайёрлади